

集部

欽定四庫全書

欽定故禎四書文卷四 集部

主事街日徐以坤覆勘 總校官原任中允臣王 燕緒 校對官典簿臣郭祚熾 腾録監生臣楊其存

詳校官檢討臣朱依炅

次定り事を与 Appropriate the property of th 丁三年 经现代的 ACCOUNT OF STREET 欽定改積四書文 Constitute of the 楊以任 金 金 愫

事不成二句 君子質而已矣二句 足食足兵民信之矣 言不順二句 百姓足君孰與不足 東公問於有若曰一章 子張問士「章 夫聞也者 一節 卷四目錄 楊以任 陳際泰 异 張 陳際泰 金 金 金 堂 犛

ラション····································	見利思義二句	孟公綽一節	君子哉若人二句	如知為君之難也一節	定公問一言而可以與那一章	既庶矣二節	禮樂不與二句
陳際素	金聲	陳子龍	劉曙	陳際泰	陳際泰	金聲	陳際泰

. .

金りロアノニー 管仲非仁者與一章 其言之不作一節 仲叔圉治賓客三句 直哉史魚「章 君子道者三一節 子路問事君一節 表四目録 章世純墨 袁彭年 陳際泰 黄淳耀 陳際泰 陳際泰

蔡之園也區區數千師而有德行言語政事文學若而 蔡之阨為已事矣而夫子廻思相從之士忽忽其不樂 追論陳祭相從之人其人才之盛有可觀者馬甚矣陳 虞而後於周為盛越数百年而遂有孔氏之門後先奔 死生與聚與共則雲風龍虎之從不必其在得時也陳 走心悦誠服則忠臣義士之效不必其在朝廷也患難 ていりう ここ 一 象定改積四書文 俱坐困其中馬宣獨一大聖人哉嘗觀古令入才唐 徳行 節 釒

子夏其人在馬道大莫能容所欲殺者夫子而於諸賢 無忌也設諸賢非從夫子遊挾其德行言語政事文學 路其人在馬道德之華經歌博雅大學千古也而子游 仲弓出言有章吐辭為經曠代逸才也時則有若宰我 行不怠所願望難見也時則有若顏淵閔子騫冉伯牛 濟猶在目前念我夫子如之何其弗思也尚德不倦躬 嗚呼彼一時依依相從者伊何人哉迄今紀之師師濟 子貢至若經世之畧為富為強政事有寄也而冉有季

金少四人

京之奇況惟同心可以共當修德不獲報尚口乃致窮 以博取入間富若貴與一切功名才望固自易易何困 能事當此上下無交之日亦何所施而君子固窮則凄 阨若 斯也而諸賢不願也聖人無 阨地所自信者天命 次足马軍全套 存者固事勢之常亦無可如何也而諸賢不懼也不可 行言語政事文學以我凶暴之 以德感不可以說動不可以力格不可以學化平昔之 心則不敢必也設諸賢但以從夫子之故奉其德 一 氨定战 預四書文 一燼而師弟朋友無

既不可作其存者或以任或以故遊於四方歸其故里 難之侣安樂弗見雖庸夫俗子尚難忘情而況此奇 杏壇之上無復陳蔡一人子獨何心能不悲哉嗟夫患 不可及迄今日而或以天或以疾亡或以難死九原之 果藝無長策文采不庇身特出之英華當此病莫能與 日於邑無色而大節在三則無位之依歸其愚處正 此文膾炙人口久矣往者李厚卷嘗謂中二比義實

·次元四十年全主 ■ 欽定成積四書文 警道聽塗說者 可以滌俗士之鄙情開初學之思路故辨而存之 以 而寄以感情亦無大悖此文立義雖粗然生氣鬱勃 子胸中自無此等擬議至其門人追記諸賢之在難 處不知史記之文顯悖於道者多奚而嗚咽淋漓至 今不廢也昔賢謂魯論乃曽子有子門人所記在 二 **氏深惡金陳之丈以為亂世之音此篇則無一字是** 浮淺以擬諸賢非倫也其後膚學增飾其詞遂謂李 制科之文至隆萬之季真氣索然

矣故金陳諸家聚經史之精英窮事物之情變而 言之成理故並垂于世金陳之時天豈有異于是乎 於四書文發之義皆心得言必已出乃八股中不可 幾張子正家與程朱之說即多不合但以持之有 故 狂言以揜飾其庸陋耳夫程子易傳切中經義者無 極武金陳盖由貪常嗜瑣自忖必不能造此而漫為 不開之洞壑也通年不學無識人謬謂得化治規矩 敌于雨家之文指事類情悲時憫俗可以感發人

7/1. Mind /. 1.1. 之故使學者無迷於祈嚮馬 扶植世教者苟大意得則畧其小疵并著所以存 / 銀完啟積四書大

	 	 	 	_
	,			金ピケ
				アノ
				金りロアノー
			į	D D
	 	 ,		=

驅形所局遂與清虚無联者相持而不相親季路所以 知生之未能何以遽問思神與死乎而非事思知死之 觀聖人兩答賢者之問而識學者所當致力也夫事 てこうう シュラ 形為入則鬼神固不接之鄉也共稟乾坤之靈氣弟為 其可能可知者而已夫宇宙問人思並存然吾業已負 ,必問也且人倫之事日用飲食之常聖人所以教天 萬世也聖人之學至於知命可以無所不通學者守 季路問事鬼神 ~ 欽定號項四書文 釒

境也業分性命於大造一旦草木同腐遂使生平負氣 矣宇宙問死生相繼然人尚炯然有生則死固未歷之 耳目之可見聞者尚如斯也而何以索之香真也曰未 問事思神與夫人所奉而事也必耳聞其聲馬必目見 其形馬然後心思有所著而精神有所通今人與人情 構則一膜之外胡越矣機相御則覿面之間逆億矣 也人亦務乎事人者則思不必事而所以事之者至 (馬能事鬼非鬼之不可事也以事鬼之由於事

金いでんノき

死可不知而所以知之者至矣由也勉之 如此也而何以窮之身盡也曰未知生焉知死非死之 平矣神志之出入而莫測其郷矣著察之於行習者尚 所寄而聰明有所施令人有生氣血之衰壯而莫定其 知也必行之而以著馬必習之而以察馬然後靈客有 焰者明見而不能自主李路所以問死與夫人之所能 くこうらんから 不可知也以知死之由於知生也人亦求其知生者則 無所見不得不為詰屈之奇所以自文也真實有 一 致定战桶四書文

得之人探喉而出耳原許 於未能馬能未知馬知道理一一中的與唐荆川作 並為造極之文 卷四 人かりう 人はり 人 教定政横四書大 典常之失未有不拘於載紀者也昔之得道以安至今 而不可危者吾知其為民人得道以存至今而不可亡 路飾其意而言以為經制之隆未有不形於性衔者也 以信其積累馬而後善耳是則學之所重盖有在矣子 所甚感也必其中有所本而不以疑事當民使天下得 即仕之所有以委學優者可矣夫學固不盡於書然人 民社稷豈人人可輕試乎今夫以獨智先羣物者人之 有民人馬 節 愫

高曾而上莫能名其稱謂者有之非其分絕於追遠義 後知王公牧長責分於大小學亦從可驗也士庶之家 我殊情說俗出於睹記之所不常均足以參其政教而 為義類宏美古者天子兆民諸侯萬民宣徒級屬之日 生數者有之非其識窮於周知身之所繫者微也問民 者吾以其為社稷然而一介之夫族黨而外莫能齒其 人之隸我者幾何家而境俗之通隔性智之優薄其所 所率者近也問社稷之攸存者幾何事而功德之著

實足以悟其典禮雖極而薦功告類理務於高深學必 文二〇三三八十二 一 欽定政預四書文 之際互相鉛語而已矣不善學者感則失之精微辟則 衷而行所無事馬凡治亂幽明持之有其具者通異世 示威豈徒以愚民已哉體度意謹行於衆庶之所共安 随時揚抑去自然之性而動稱師古馬凡民物鬼神 有其據也善學者精以著其理大以規其制載明潔之 微姓氏之幽顯其收為通識易耳古者樂盈的惠代鼓 /精神而用之若乃今之所謂典謨訓誥者在昔君臣

典下而版圖遂廢其說於師儒也 金少せたとこ 貞純誠 呫嗶之習以飾其觸愚鄙撲之心故口耳徒勤上焉祀 自帝王下及庶民每寓其言於後世而讀書者假聞 悔吝者在今人心之内儵生占玩而已矣然則書者本 知其故者昧人道之陰陽而及之不知昔所列為吉凶 不能持論即無異兒童之見宣復成為佞此篇乃實 段精理原評 之見以達其光明傷偉之材故三代以前

つこう とこ 女定战権四首文		書籍入可以猝辨	細膩熨貼語語皆有含咀氣體雖不甚高却非胸無

									鱼
									多りにアノスー
							,		100
!									
ļ.					,				卷四
-								,	
1									
				·					
							·		-
1	!	, l	_			. [	l		L.

摩畫不忘其危當其變有自然之機宜不失其正此真 賢之作用矣今夫仁義之說休養之名此太平無事之 聖賢論政有三而復商不得已之去也夫政之經則兵 僧之才以徼近功而不復顧國脉夫當其常有必問之 疆埸之役取盈之街此時窮勢急之所茍且而圖也市 スこうし シニラ 所處堂而談也愚學之士以張偽幟而非必建真效而 食信並舉不得已而去兵去食信必長存此可以觀聖 子貢問政 > 致完敬稍四書文 章 釒 聲

而至設為不得已之計兵妨食食妨兵兵食妨信雖智 得為之會不惟不相碍無可以相濟自當蚤計遍壽馬 馬負撫御之才不知政之實驗必在民信也盖三者在 武似多事不知政之長計在足也民情之疑釁誠服兩 始日足食繼日足兵終日民信國家之兵籍麇藏不告 天下才可奉以為政矣說在夫子之語子貢也其論政 無見於朝野相安之日亦可謝調馬稱得民之術嘐嘐 虚於邊靖費約之歲而皇皇子憂貧似迂圖旅旅乎備

金ケビアとこと

善謀不能兩其全則權計者疾信如仇鶩食如實理財 無待再計而聖人去之之說日自古皆有死民無信不 食矣夫去兵之說以烏合之不如無靡的之反毒民也 用威外可以因糧於敵內可以令行禁止耳而聖人及 者不能備其三則權計者或以兵為扼要之事以亂國 即不然其强弱安危之形未甚逼人也食則生死之闗 日去兵美再設為不得已之計食能爽信信則無食雖 又八口三二八八二 人 我定殿積四書文 計臣持大籌守正之迁士斥遠地耳而聖人及日去

周矣不敢以美談欺人不敢以漫緩持事宣待不得已 廉解恥辱其國大類如此而要其居平網緣至矣防維 「憤可於轉於崇朝君子之不以流離顛沛失其正以家 萬民之首恭雖城破身七之餘而民心未去君父之義 即見於事後唯生死呼吸之際以挺持不易之節坐繋 之策哉危急存亡之秋此畏死倖生之心最足誤國家 |立豈責人以難堪之死而償以無形之立為此不近情 金ラロアとうを 大事即苟延旦夕之命而國維已破無端之毒害旋

日始倉皇為不得已計哉不於不得已不見聖賢之奇 ていうう とこう 精神理實融結一氣舒放中極其嚴整不可增減 後半權說皆得體要典貴堅厚又不必言原評 兵去食者哉子貢言其變而夫子終不以末世茍且 自古豈有足食足兵民信之朝而至於不得已而去 法弱兵食以去信亦言其理而已此文前半正說 此等文當求其根抵濟用與性質光明處乃立 人 致定改被四書文

<del></del>	
	言不朽之根源也
	村之
	根源
	卷四

之及民其粗在於兵農而其精乃在孝弟康恥之際是 子曰王者之政始於民之相足而成於民之相愛王政 察時勢之緩急而謹執其可復之意是故民不知信不 之夫子斷其解於無信不立也肯深哉且為政者要在 信之又何求焉然不極之不得已安得得已之時而為 係政於民而不得已之時乃可為也盖使兵食足而民 欠れる。 これが 可與同處於安民不知信不可與同處於危子貢問政 子貢問政 **数定放積四書文** 章 楊以任 許吾君以馳驅者豈無道而處此盖有餘不足非天 此祖宗休養數十年而我之經綸可一新耳不然置我 足食足兵民信之矣豈不休哉顧此民也足非旦夕之 敌上與下相足也上與下相信也上與下可相為死也 金ケセス ニッモ 之經綸與之會耳不然生我喪亂之餘寧以不得已聽 否閉之所寧以不得已之民歸君乎古者倉卒受命遂 民乎古者天不界純猶偕百姓為存亡者豈無道而處 可足而信亦非旦夕之可信也造物番息數十年而我

是故數戰則民疲備分則國疲凡此皆去兵之說也權 弱也是故士大夫衆則國貧工商衆則國貧凡此皆去 於三者而日去兵所以全其力力全則天下所不得而 也不汲汲於足食而食乃可議也堅忍之餘猶有權馬 馬所謂為之以漸者何也不汲汲於足兵而兵乃可議 之公患也患在為之不以漸 而治之亡其本所謂治之 有本者何也天下無生財之道去其害財者而已矣天 下無盡民之道去其害民者而已矣危急之際猶有禮 人 欽定放 頑四書文

去食而政無不可為矣是所為察時勢之緩急而謹執 立 明乎此夫然後可以足兵可以去兵可以足食可以 之說亂其中也夫子斷其辭曰自古皆有死民無信不 難措手而必不以無可奈何之說輕於一擲雖小信不 耳然而智計之士談及去兵去食而色變者何也生死 食之說也權於二者而曰去食所以凝其志志凝則天 用而亦斷不以衰世茍且之法與之漫當凡以為民云 下所不得而削也政猶可及為數所以聖賢舉事雖萬

とううら へいす 其可復之意者與 而紀律不及金作之完密 為經濟不知去兵去食為經濟通首結撰皆本於此 看意全在民信與後二節自記云從來知足食足兵 銀定改複四書文

-						すりい
		-				オリバノノー
			-	,		
						卷四
					-	
	<u>.</u>					

重家國者以厚蒼生夫非一念之故矣而豈虚持乎仁 見分者皆先王於民見其合者也盖先王無自私之意 不可與疑故從來有事典馬有政典馬有教典馬於政 民者政之所自生善為政者使其民可與静可與動而 聖人論政備王者之所以與民馬盖政以為民而已兵 義以美其名凡民各有自安之情大道為公者貨力不 食足矣上下信矣王者之政不備與夫子以告子貢曰 足食足兵民信之矣 楊以任

大いりまれたこう 銀定成積四書文

私夫又非一旦之故矣而豈苟且於兵農以弱其質則 國資亦無以待倉卒之變鰓鰓然計所以足之底填於 設 旅吾農其可數以平邦國以均萬民政在此耳夫天 鰓鰓然計所以足之出車於牧吾卿大夫其可歟建花 政在斯耳兵觀則人不静兵無震則戎心又因之以生 食不可不議足也兵不可不議足也民窮易於為非而 金少したと 上九式節數開導於下九職任數以富邦國以生萬民 下不可使求為利也使不信之民皆惡其貧賤而思去

欠い了了 ALEN 多定放積四書文 之政顯於民之相足而藏於民之相愛惟王政之及民 於蒐苗獨狩之事特信義之習因盛强而彌彰耳惟王 之世凡所為教中而民不虣教恤而民不怠者原不後 思逞馬天下又以多事矣烏在議兵而遂已哉顧王者 耳夫武事不可以明民也使不信之民皆負其血氣而 之天下之亂乃起矣烏在議食而遂已哉顧王者之世 並行於貴栗重農之時特禮義之生不於富足或不見 凡所為教以祀禮而民不苟教以陰禮而民不怨者原

禮教信義之國亦無以自張也君相而欺其庶民愀然 政不備於斯數每尋思夫自孫之茨混征夫之日月將 於周公之衰馬吾何以語子為政哉以此 金少口たといる 見文武之政馬每追念夫履畝之税丘甲之作雖號為 **闗雎麟趾之心一** 其粗在兵農之間而其精乃在於孝弟康恥之際然則 民不可以不議信也而起而視之足食足兵民信之矣 民信之矣急承上句不得中間更有教化在此文最 一成其象矣周官而載以精意恍然

J. 17. 融會經籍施之各當其宜如此方謂之騁能而化 為分明原評 · 欽定民積四書文


		金发四户全建

マハブ国ニニテ 所以不能返於大道之行者文為之耳文盛而天地之 故吾謂君子者欲世皆遊義黃之初莫若獨存質欲 也事通人之撲心而資人以相責之分毋亦太多事平 也夫恃貌而論情者其情惡也須飾而論質者其質 力不走故天下争也文浮而性情之節不固故天下偽 大夫欲維質而激為過甚之言馬夫文盡去而質獨留 **具足以矯末流之獎矣然得毋巳甚乎子成意謂世之** 君子質而已矣 || 欽定啟積四書文 陳際泰 文不如質二也筋力之治不欲其太勞日用給足之事 此言誠然然舟車什百而陳之不如其已盖吾不與之 皆懷忠信之行莫若盡去文夫有文而後萬物得其理 吾不與之論由直而但與之論真偽試反已而思之汙 争是非而但與之爭治亂試平心而計之太古治乎今 日治乎必日太古也則文不如質一也夫有文而後 心有其象此言亦然然好言繁辭而信之不如其已盖 **坏飲者真乎一日百拜者真乎必曰汙搏杯飲也則** 

金グロスとこと

矣夫君子質而已矣文何為馬 之文何為乎作而致其情與不竭情而返之質則有問 士常有江河之憂由此言之先代之文何為乎即今日 是故上古之禮樂即不可捐而中古之禮樂可捐也志 性而安之矣先已制者尚有其說而未制者何為煩之 本之論聰明之用不欲其過深倫物致飾之為民已矯 為益之是故衣食不可捐而禮樂可捐也達者當有原 民已竭魔而營之矣不能已者無可奈何而得已者何

アンコー 一人 象定战積四書文




又了了了! 如方 人 数定故荷四書文 患其於益上益下之序已豫立其經權斷未有以不足 則所守於先王之教為有本耳至若周家以農事發祥 道察諸人情使家國常享馬即或有小變而上下不惑 且之說聖賢之所不事也何也聖賢之治世也合諸天 者常足之道也况於年錢乎則公無徒取二為矣且夫尚 賢者以王道經國亦論其常足之理而已夫徹也者王 於其歲出歲入之數已周知其織悉且周公以荒政防 哀公問於有若曰 一章

徹行而耕三餘 逆計後之足以病國故監之井田以為法此所謂徹也 盖本乎宣之世矣昔先王非不知履畝可稅而逆知後 **餞乃憂用不足夫公當思國之不足不自今日始其端** 式喪祭有經則上以和寧有若之為公策者豈不識今 道貽其後人者魯則元公之後也傳至良公而亟年 足以病民故酌之十一以為中非不知丘甲可作而 有不足而為是緩圖哉盖天變於上而謀一 一耕九餘三則下不空之無之匪頒有 鄉

金ケロアイショー

欽定四庫全書 人 致定战積四書文 人之立政無時不藉其經紀而士君子之告君無事不 之主使之吉凶軍賓各從其儉省以答我思則知先聖 國使之卿士大夫各蠲其禄鎮以康兆民亦非引中村 不足則交不及君與百姓之勢原如此而非强久與之 久推其祖宗相養之意而不敢云權術是盖足則交足 身一家之業者匹夫之志也聖賢處此則惟有窮變通 圖其緩急相濟之術而不徒恃穰救人困於下而商! 邑之利者有司之業也聖賢處此則惟有憂勤惕厲



致定四庫全書 | ◆ 数定啟被四書大 通也相足之謂通夫然則君亦何憂於不足也豈以徹 而上行者因馬此又其相報之誼然則君亦期百姓之 安上者存馬此固其相承之理足百姓者所以下濟也 先王體國經野而制之徹徹者均也各足之謂均徹者 亦無以為國奚抑知民足之效之必至於君也乎且昔 、君當知足民之效乃以自與也夫必君不足以足 民 行也為使百姓足而已哉足百姓者所以厚下也而 百姓足君孰與不足 堂

|之積者今君之不足此通之義不可不思也且大徹之 行非遂能行也必其君臣上下之間內克約而外從制 移耳君能施其公之積者今百姓之足民安能匿其私 時與盈亦有時樂訟要之亦不過此耕餘之數為之補 之義不可不思也即國家之一出一入推而追於民有 各得其私田而足君合一國之公田而安得不足此均 足焉而已矣自問間之一身一家而至於君其級愈升 則其用愈廣要之不過此在籍之數為之差等耳百姓

立即旁竊之患可以無虞民受其賜君享其奉而恵不 所以足之之功矣則夫行徹而君即無不足也此固理 興此其恩利斯民之大效明者於事後百姓亦永思其 度數而議德行將見生養由是而可盛教化由是而可 矣而徹之行又非僅行徹已也彼其君臣上下之間制 然後宿弊乃可得而去良法乃可得而復此其悲憫斯 民之深念豫勤於事先百姓已陰諒其所以足之之誠 有必然情有必至况夫權舉於君澤降於民而計不私

不足勢必有專其足者憂將不止於是也 分即極重之勢可以有及於此不斷吾見君求足 百姓足切定行徹則孰與不足自不涉權變亦 理愈見得正大光明 比将足之根原說得深廣周密孰與不足道

金り口人

問達之心夫子見之矣如何斯可謂達夫子亦即可 精神之所圖而學術即以終身此其說初非甚相遠也 聖人與賢者論達為別其幾於聞馬夫以必聞之心問 達雖與之言達直作聞見也此不可以無兩辨馬者也 有如子張之問達張固堂堂乎難與為仁者也而問達 令士之學各有所指歸指歸之所存而精神遂以異路 其行於天下亦無以異也而豈知其中有大謬不然者 子張問士 章 釒 犛

獵其近似試一話馬而其所謂達者果以在那必聞在 之所施而胞與之象未必廣其中也或以佐其浮將與 金万口人 質直而好義察言而觀色處以下人者也而所謂聞, 家必聞對也聞豈必不達達豈絕無聞耶而所以然之 僻盖其风昔所見未免存於胸中而聞渾全之論必將 言達士之所主而堅確之意未必資其守也或以証其 正告之矣夫子以為是未可與遽言達也將與言達士 則聞必非達達自不是聞也張誤矣所謂達也者固

大正日年八三日 一致定战被四書文 又鳥識其所以然哉乃知此際亦微矣未嘗求於天下 感相蒙亦遂因類以應邦家之際必聞必達學士眩馬 業之道哉原非籍以藏身則亦不必護其疑端也而競 |水其是而淵然有以自及若是乎其詳密也豈不知居 所獨往若是乎其方正也豈不知仁道之大哉本無終 物者又反是矣其究經世逢世各有所挾以行而彼相 色取仁而行違居之不疑者也無不任其真而隤然有 食之違斯亦不必取數於外也而徇物者及是矣無不

|情而觀察為取仁之徑耶所以學各有指歸也 僅以達之說相示又安知聽者不誤以直義長不疑之 所營念念皆虚無動静而皆虚此際對勘而分見馬即 而皆實本無可以自信也而徒以堅自是之習聞人之 也而即以通天下之志達士之所向處處皆實無內外 等寂在何哉一問遂舉質直兩節許多積叠隨手運 掉無不入化矣以無厚入有問乃作者為文得手處

オテノレア とうて

次と日本人とう一人欽定成積四書文 |吾言行才氣但得一二人有力之口即可以漸騰干萬 能見人而信之者也故尚聞 馬君子亦知夫特見者之 有所不任而獨期於自達下之則無是心矣其心以為 而能不疑以此求聞亦聞之矣當論世俗之中未有真 聞亦有學可以取必於世馬夫道莫大於仁能取能違 不可以幾也而終不恐誤天下以隨聲附和之事故兩 人無心之耳而莫吾非也士患學問之際所以急人傳 夫聞也者 節

牙而要聞人之才與聞人之力固不盡此也且弟如是 光亦既藉藉焉有一仁人之稱相告相問而取效於齒 術不重不遠而捷得之指視由是而一飲其和一炙其 也由是而聖賢之門名教之地殆謝謝馬有一取仁之 弗為也亦無俟於深造而責成於旦夕故生馬者弗為 者則色之為也色不貴其難犯而樂其可親故莊馬者 誦者無術耳何大自苦哉其出於人口而入於人耳者 固聲之屬也其必有自見以動此一二人而傳千萬人


之意足以奪其所取居不疑而後此舉止實為中心安 此益親聞人之深也行必違而後其智中竟無行仁 欲欺盡邦家之人非忍而為之其將何以為心且一念 若以為非則疑馬而不敢居此自敗之道矣夫一念而 矣出入之途無以安身而不知手足之易亂若以為是 限既飭其外復顧其內則行之必求其合此兩失之事 焉尚未可必也道德之真足以縛人而不念精神之有 以欺盡邦家之人非求益者也又何惑乎此行而於 一/ 欽定 月預四十百文

得哉噫一念求聞則必至此已稍弗如此又將難聞已 之固懼不免也然如此者亦希矣雖欲不聞其又烏可 如此得聞方之達士當何從耶 鑑或懷衆好必察之心用人馬度哉之術而以斯人遇 其短游揚之餘又孰即其聲以深來其實至若聖神操 **循題順話逐層逐字鏤刻出精義** 有講色取行違之術以欺世而得重名者故言其情 、無或至於失色覿面相對固已飲其長而其自 相傳同時某

金少四人之言

狀語皆刺骨盖痛憤所寄不得已而有言也

| 又こりに ハムリ | | 銀定改被四書文



東正四里人五五 一 致定政横四書文 亦必服其言而其予心非今者名不正而言已不順矣 平有國而其相亦無貴乎當國且吾業為政則無自操 事之體亦惟是申命以行之宣徒惟其言而其子面違 為政則必以與事為期有如為之而無成此其君無樂 言而求諸事不亦左乎若曰子廷吾說將謂拘於理而 事不可以逆成而正名之義切矣夫言以行事不得於 不達於事也而不知吾説誠計事之深者也以為吾欲 言不順 我而無辭即欲盖而彌彰吾見其動輒得咎耳盖勲業 君而今紊然於所自承矣文而告之其又何稱乎或詰 吾見其廢馬而及耳將有事於境外則尺簡寸贖四方 馬君臣上下義有所錯要必始於父子而今大義先於 於是子觀解命馬朝聘會盟繼好息民則又必稱我先 如矣則而象之其又何誅乎雖合之不聽雖呼之不應 事前将有事於國中則明的大號百姓於是乎望德音

順逆之故初不必驗於言後而成敗之機吾早已見於

大字可写了 得迁吾言乎 之在天壤未有可獨立而就天與人歸即帝王尚煩其 之意由斯以觀不順於言而求成於事必不得之數矣 有叛作語而尚有疑况乎決裂典則而漫以行其矯誣 日而欺理短解窘雖英雄無所用其智力彼作誓而尚 中外而可以遂其僥倖之圖天理之在人心不可以 擬議故謨必行而後定命猶必遠而後辰告豈其抗衡 而其與皆自名始子謂為政而不期成事則可不然安 人 致定敌预四書文

語簡爭 不成處處粘住不順又不脱不正根源義 過圈深詞


盖事成而禮樂不興此理之所容有者也故謙據未追 之正也今既名不正至於事不成矣則禮樂其能與平 治道重禮樂則知事不成之為累也夫禮樂制治之原 居天下之大端矣先王治人之大以禮樂為尊而先王 而不能自與則夫事之不成其累猶小乎且夫禮與樂 制作之原即人心為始是故人謂三綱者政事之本而 くうてい 不知三綱者亦禮樂之本然則禮樂之與必求端於名 事不成 一八 放定以項四書大 一句 陳際泰 羊二

同節同風之所由隆故曰五行不相珍則王者可以制 洽之餘王者文而説之以昭其盛沐浴膏 澤歌咏勤 苦 慚德多矣安望此乎觀禮樂之所能作致治於重熙累 始樂樂其所自生謂此志也事不成而父子兄弟之問 有序藹然有和無體無聲之所點寓故曰禮履其所自 者也故粉師太平者君子以為無本探禮樂之所由來 ,端於家庭愛敬之際聖人因而裁之以飭其羣秋然

金好匹人生書

者君子以為知節事不成而禮樂能與此理之所必無

之容而無益於理故君子於禮樂亦求其本而已矣 以紹帝王之統而大於其歸識治本者以為倫常不正 以為禮樂不與則於政事雖有所為皆尚馬而已終無 而亂清慘刻之象禍變巫矣服及此乎是故識治體者 禮四靈以為畜則王者可以作樂以有此具也事不成 則於禮樂雖有所為亦非盛德之事矣終有愧於神明 又三丁三二十一 数定故積四書文 光明茂密一望皆經術之氣



欠了了了!! ·······司 |▼/ 數定政預四書文 禮樂者刑罰之端故不可不與也夫禮樂不與不自禮 與刑罰相為表裏者也道治之不足而法佐之故先王 酷吏而周召法律而詩書遂多傷肌膚之效何也禮樂 而豈但已耶王下而入霸霸下而入狄已無制治之原 刑罰之精華也名不正既已浸淫至於禮樂之不與矣 樂止也觀不中之由而能無懼乎且人亦有言禮樂積 而民氣樂刑罰積而風氣衰此猶分言之也夫禮樂者 禮樂不與 二句 陳際泰

道缺微而君氣騎則用法之情必逞然則禮樂不與何 無本之朝可知矣釋道而任刑安所不濫恣乎盖天下 之有餘而法後之故先王有獨重馬禮樂不與則其為 任意安所不倒置乎禮樂與刑罰相為損益者也道治 但止於禮樂不與也哉內行不修故亂罰無辜以威衆 犯法之民必多天下所為涵養君德者亦此禮樂耳王 所為陶淑斯民者獨此禮樂耳儒術不進而俗流失則 有並建馬禮樂不與則其為無制之朝可知矣釋法而 大いうううなる 一人 致完敢預四書文 叔世也夫亦可以得刑罰不中之由矣 論而教化無恃故嚴用重典以制末流三辟之與盖皆 該括古今治行源流文之精純簡當作者亦不多有 直鑒本原無窮流與舉要為言何須廣引原評

			_	一金グレス・コープ
			i de la companya de l	5.9

らんいりにって Aiduin 一 致欠放積四書文 息之功使聖天子徵版籍而問户口之登耗巡邦國而 國而擁斯庶聖人未始不為衛幸也庶亦國家休養生 教追加馬而未有已也而欲坐享此庶也哉且國家總 聖賢策所以加衛皆以保此民也夫庶後有富富後有 仁人君子已相與洛嗟躊躇於局外是故衛以蕞爾之 無可囂然自足之時不獨凋苦之民足動聖明之處也 正患小小殷富常有一無可加之象怠緩人心而不知 既庶矣 二節

善所以區東南之畝蘇鴻雁之勞而天和地徳不人 思富之也我疆我理宣能為關土計但制產徵斂之間 土足以載其民其民之田足以縱其力之所及而寬然 そうりしし でる 尤為衛幸也富質國家根本不拔之計茍男畝婦桑之 食其厚賜乎使衛真能以殷蕃之後區畫使富聖人必 有餘地其國並不庶如衞者直可命之人滿也不可不 目郊城之殘盛則衛在慶優之列矣又何加馬而聖人 曰國有庶民固盛國而國有庶象未必是裕國也其國

得食力亦未必遽填溝壑獨以父母操飼啃之推而使 謂之亂資也不可不思教之也我栗水火宜必更為我 智民不得以厚積行奸俠其民並不當而不然者直可 庠朝野倫類不鬯然其流通乎嗟夫上不念富民少壯 制但使出入友助之間各敦其五常交修其六行而黨 てこうほう という 有富民未必是治國也使愚民不得以餘財生淫侈使 可無虞矣又何加馬而聖人曰國有當民誠裕國而國 樂人守故土而三年九年之蓄足備凶荒則衛之子孫 / 教定改積四書文

求與夫子共深憂而於斯發之與 謀生之計摩蒼百出此其氣象亦不堪見矣上不思教 任而使道學之幟張諸草野此其世變愈不可知矣冉 氏鄉黨多自好亦未必盡為禽獸獨以作君無作師之 富教繁從庶富勘出更無 通身俱是筋節 一教養通套語文境為老

金りして

とこと

大いつう 一人 致定及項四書大 一族已盖明聖之主猶有求助於諸侯之解而重熙之 稷之子或在武弘以此思難難可知也以此圖難與可 喪之分總以心之敬肆為之也智者知之愚者樂馬去 與丧决於一言故人主不可不慎也夫一言者一念之 靡常本於天命克艱先於臣鄰九州之存是不 所為也與喪係馬可謂其微乎且天下之大攝於人 心人主質坐其難安之勢而常臨乎易逞之機與 定公問一言而可以與那 章 陳際泰 姓社

可知也哉夫亡國之君亦自有才而永命之主獨知所 其子達者無不亡也即所以喪邦則所以與邦者不愈 乎不幾一言而喪邦乎夫人主之言不必盡善而人主 故曰為君難一言可以與那也而奈何有樂莫予違者 使諛無不諛也而又何禁馬自古亡國不一端然而樂 之意不可使窥誘之使言尚不言也而况乎止之風之 **表嘗離於其念此為君誠無所樂也而天下固已樂矣** 

タニノレス さっき

不忘乞言於齒師之日故士庶皆得至於其前而孤寡

		制	講	懼定
Se Doied Jan		勢到	機法	懼定公念此思過半矣
		此可	有不作	此思
炎定		消貨	ル 少 サ	迎半全
· 决定是真型意文		用 生 五	<del>八</del> 巧寅	夭
ちた		制藝到此可謂獨用生面矣原評	講機法者不能如其巧密於才氣者不能及其横恣	
		評	氣本	
			不能	
			及甘	
			7.横次	

文字下入文字章: ************************************	 	 	 	<u>-</u>	
					金罗马人在書
					-

何虞邦之不與也予知難則就業將無不到之處而知 乃天下之至難特未當一提醒之也平日不早自知而 也造於人主一心而有餘是故獨患不知難耳且人 逮其知也則已無及矣古今往往坐此故為君之質統 大患患在順指惟吾所使以為天下之至易而不知此 人主有知難之心則亦無憂於邦之不與也盖邦之 スプロランは 難而與邦之要在乎一知如有知為君之難乎而 如知為君之難也 ■ 動定政預四書立 節 陳際春

世而為君難知其保之之難則求一刻縱恣之念而不 以人主之心何所不可回而要卒自安者初不知機固 之所入必有惕於心者知難則維持亦將無不到之 難則求一息宴安之時而不可得而一國之精神生矣 以為多則臣屬不烈監門不敵而為君難知其勝之之 而要卒自惰者初不知事固如此其多也以為少則易 而知之所出必有麗於事者以人主之權何所不可舉 如此其危也以為安則易以為危則福不盈眥禍將溢

金少四万三言

之曰吾君固迪知忱怕者也則將庶幾其然以為國福 聰明音非所憚而尚告之日其人固憂勤惕厲者也則 たっし回っ、Aidulo 何者向持患其不知難耳餘何憂乎由此言之知為君 冀乎老成之計國者其事紛紜叢胜皆非所虞而茍語 已廢然而退以伐敵謀何者向特謂其不知難耳今何 可得而一國之根本固矣故敵國之相窺者其主材武 /難信乎與邦之無難也已故人主務於一言也 知與與交關處道得親切有味危悚有神領取如字 一人 欽定啟預四書日文

金りにんべい 後二股襯發處議論悉本左氏內外傳文之靈警濟 也字不幾乎虚神又極含蓄醞籍洵稱合作原評 發要不能 憑虚而造也 卷四

一次定りちかれる 一人 象定成例四書大 切如岩人者乎夫人也髙其見於虞夏商周之上雖以 聖人伸德力之報嘉其人以寄意馬夫尚德之不伸 如見其心况至於今日而昇原禹稷之論孰有比擬明 天下久矣知若人之為君子有徳者不可以與乎若曰 其言以想見其入此尚論古人之説視乎其人之識也 必先置其身於賢聖之列而後議論所及令天下即 即深觀其學感版當世之談關乎其人之品也而即 君子哉若人 二旬 劉 曙

者今日一人而已天下有曠志出羣絕去其目前已定 素所孜孜而敦勉者日奉厥德為允連故雖姦雄横絕 凶之說而譽不勸而非不沮如若人也哉意者潛修有 偃寒而喪好修之性天下有高論絕俗不牽於舉世古 理於與亡榮辱之先即至顛倒任時决不以陰隱無權 造物無主何敢不奮身修行娘既而倒聖賢之林定其 Ⅴ時力或可以相駕而英雄有心不以成敗論天下士 '案而順不喜而逆不驚如若人也哉意者中

とうりうころかり 人 安定改積四書文 局然尚德於有道之世猶易而今尚莫之定也守已不 尚德於食報之世猶易而今已不可問矣修身自好之 飆通人之論而有進恵地從逆之機在我一不敢倒其 子出而悲歌之氣證以古人之事而皆平憤世之情又 士類無不噓唏憑用搔首而問彼蒼之夢夢馬有一君 古今數人而已福善禍淫之理今日已不敢道其常然 秋德或難以自勝而道德有權不以寂寞嗟吾道窮者 時所勉勉自策者憑乃德為慎修故雖正去弱喪之

能不傾心於若人矣 此君子出而顯忠遂良之典猶不絕於風塵鋤姦刑暴 别有所寄巫標此髙識不磨之論公好惡於千秋吾不 '雅亦不空寄之筆削君子哉若人尚德哉若人忧慨 君子與尚德不分疏深得當日嗟歎語氣文詞高朗 以當歌賴有此好古有識之言質聖賢於一室興懷 使人心目開爽中四比若更能義意截然則更進 一十尚思以明德馨間勝天而親讎報之彰彰馬有

金りにんとう

3				-	
7					格矣
7.5					
■ 教定沒預四書文					
艾					
四十四					
<u></u>					

					金女四十八年書
					欠
					T
					À
					1
ļ					Ē
					/
					卷四
					77)
	1	ļ			
					<u> </u> _
	1			1	

管之士無地可以置之而不知其非也公室患其才心 而有守恬淡而不欲其在魯之事我不暇論或以為名 故得其宜者寡耳吾觀魯大夫孟公綽之為人也寬平 多故事變日生列國之臣非才無以自見以為威德家 論魯大夫之才而知春秋家國之事矣夫春秋之時政 私門患其才多此當今之大患矣而人與地往往相違 將在家而小國方困即夫子之論公綽可覩也且天下 てこう」日 八十二丁 | 女定改積四書文 孟公綽 節 陳子龍 危之士來矣然而其始也借權以削其國而既也乘問 輻輳之人進矣入謀於私室而出行於諸侯則智術傾 矣而政将在趙魏位名為世卿而權實為盟主則才略 輔導而已此家不干政陪臣不執國之義也夫晉伯衰 劣也其所優則為趙魏老矣夫家臣之長也而日老者 右可以顯君我以二者皆非也彼固有所優而亦有所 高鮮實使之守職足以**齊事或以為德隆譽盛登之朝** 何無所為之名也謹持筦鑰而已無所事之意也以德 卷四

之以德化之此事之不然者而公綽所長者在此是以 於盟主然後可以强自支属遷延歲月耳若云以静守 奪豈不家國俱榮哉若夫滕薛之為國也微矣勢不如 畏其害也誠以公綽為之雅量足以坐鎮競端可以潛 以圖其家如是者往往而有故巨室大家每樂其才而 此其勢必無可以自存者庶幾有一二人馬具應變之 大國之卿而名為列國地不餘一邑之廣而交於四鄰 才懷無方之智振紀綱以內治其臣民挾禮義以馳辨 一人次是是国四十二

弘吳四庫全書 滅當此之時并弱無小之勢見矣故衰微之國常以降 知其不可為滕薛大夫也嗟乎當此之時化家為國之 為皂隸為憂而盟會討伐之風將息尚非敏略之臣力 **兆成矣故才智之士不以仕於私朝為恥而分裂篡竊** 國之勢也夫子固知之而寄慨於公綽那 則霸者之風可以復見而惜乎不能也此春秋將為戰 扶其衰緒則小國何以救亡夫大國未篡而小國未亡 之事將作誠得清靜之人不助其成謀則大國可以不

從春秋大勢立義雖似別生技節然聖人之言無不 學之心智也 包蘊凡有關世道之論因題以發之皆可以開拓後 1 我定及項四書文

	 	 		<u> </u>
				家英四样全書
				卷四
:-				

相先凶相後其巧足以勝豈復存人心也君子且惻然 ている ・ 人・・・・ 念忠厚之遺也趨避巧而習氣熟則得宜尚生宜倖 其免患也而又奚暇深求也哉利害感而情偽生則吉 欲成人也尚未必如其走利其惡不成人也尚未必如 論成人於今且無以利害自喪也夫天下並無思義授 有不必深求者馬非衆材之無用而禮樂之可去也其 見利思義 人則思義授命者貴矣亦可慨哉令夫學問之 一人教定沒項四書主文 金 際

萬物之所畏也而有一人馬見之而弗以身辱也就而 文可不断宣復念人道也君子且循循然急康恥之 而視之淵淵乎其若有所思馬不學俱欲之物非必遠 也萬物之所謀也而有一人馬見之而弗以身殉也就 不敢多取操縱萬物之利權而使人不能自如則見利 日有情所不願思也而若人者尚能抑其心以相從 之斷斷乎其已有所授馬全受全歸之體非必輕 情而生人有大義馬能斟酌萬物之利數而使人

區區之氣節而以自髙也然以方今世之學問其所稱 則鈍直之所留不少人之所以還天者厚矣哉豈安於 スクリコミュ Aralio 製炭改積四書文 而足者反或以盖其貪偷之性而佐其網利全生之具 莫之加也然以方今世之君子其所號多材多望不 見危之日有生所不能授也而若人者尚肯强其志以 莫之或貳危則奉其不可知於天而生死不敢自圖則 蹈險而生人有大命馬安則立其所可俟於已而天壽 相擲天之所以與人者備矣哉豈盡於區區之氣節而


静剛強之性則愚魯之所全已大若而人也不亦卓哉 金りでたとう 履中蹈和不矜於名者及或挾其圓妙之理以亂其寧 著眼在上何必然下亦可以一語落紙將翔將雖若 過之者也 **政若動用筆刀爾縱横如意原評** 接而絲毫不連不侵此運先正之規矩準繩而神巧 具修淡經營處在通篇體勢懸空不斷恰好上永下

一人とりちて、こら 一人 欽定政項四書文 |待事之漸人可欺也不必有敦信明義之名閱歷雖多 幕而計挺挺則不得不用謀故國可取也不必有需時 故更事多而知深深則不能不生變老而舉事故應日 偃諸人尤非夷吞隰朋匹也晉文之為人也因而在外 且桓大之霸世並稱之而不知文非桓也也即其臣衰 不烈也然視齊桓豈可同時語乎正論之辨盖可覩矣 聖人評二霸以文尚不如桓也夫晉文公之霸之功非 晉文公譎而不正 節 陳際泰

名而後行之名不順不敢動也故天下信其信而仁其 不遂之事其時近古故多畏而不敢之心而文則已 始已正矣始卜之於人終衆著於同物待其服而後與 而理義未熟折挫已久而紛擾猶存故有君子之資後 其功之不如桓正而不譎之不如桓也桓之舉也盖其 -盖觀桓公之界與觀桓公之行其道主柔故多留而 於其孫而有王事之近前愧於首霸之桓也何者非 未服不遽取也故天下習其教而安其事事却於

金らロアとう

久三·1日和 □ 致定改商四書文 日晉文公謫而不正齊桓公正而不請明文之不如 **担** 者而文獨悍然為之又益之以術夫孰從而堪之夫子 功多於桓罪亦多於桓乎桓之不敢為不忍為不肯為 勝優游和易之為然而君子終不進丈於桓者固謂其 桓公之所不敢執者文公執之此其剛厲果决之氣若 之权帶之亂桓公之所不敢殺者文公誅之曹衛諸侯 使不與桓匹也夫楚之强桓公之所不敢戰者文公勝 然矣既不守之以禮又復益之以術此君子所以惡文



其功也子貢當非管仲矣以為仲也奉斜而不終於義 子界馬非遺行之不足累乎其人而遺行之不足累乎 不數生後傑之才而適當須才之世亦不數若夫有其 者也相則不死死則不相又何疑馬且天生後傑之才 我時之才非一節之士也夫仲之才與仲之時適相值 不當相桓也君子以為不然蓋仲之身是為時而生者 才又值其世能事見於天下矣而其人又有遗行則君 管仲非仁者與 一三次之及りのようこ 一章 黄淳耀

則有召牙姬旦設也仲生其問不過一良有司耳有仲 其臣則有方叔召虎又前此數百年為文武之時其臣 也仲之才是及時而用者也前此百餘年為宣王之時 臣不下聘者六十年侯度武而諸侯無私爭者三十載 陳旅聶北則狄退矣獻捷過魯則戎拜矣王禁明而王 山之間諸侯拱手環視虚無人焉此真管仲之時也仲 何益無仲何損令者荆熾於南狄横於北戎又介居河 ,挾一中主攝尺寸之柄而圖之聲罪召陵則判帖矣

銀定匹庫全書

名於舉世不立之日則死不如生生而後朝廷尊馬中 而後三綱明馬九法正馬是即死者之功也名也立功 節義日功名為節義於舉世不為之時則生不如死死 將非中國也然則仲之身不可死而仲之時不可失也 能何足深論獨惜荆不帖狄不退我不科則主中國者 之子曰不能也隰朋賓胥無能為之子曰不能也能不 ここう! 一、 女定改積四書文 且夫君子之臨難有二曰生曰死君子之立身有二曰 可不謂天下之駁功偉烈哉向微管仲則鮑叔牙能為 五十三

於死籍令無死而吾亦有以責之矣是夫子之重功名 者哉是故君子録仲之功許仲之不死學者聞之自度 匹夫之小諒陷胸決脏死不旋踵即又烏親所謂節義 夏安馬是即生者之節也義也使仲捨格天之大業就 あい四年全書 其身有可死之責而無不可死之才者將斷斷然必出 固甚於子貢而子貢之重節義亦然不如夫子也與 情卓識自可不磨 此章之義先儒記無定論獨提一時字上下古今雄

|次三日三八三日 | 女定政積四書文 故人之為國重甚矣且善與國者先與人其君似明而 衛猶有人未可量也夫二臣任事君雖無道猶足自存 猶足以遂其,抗伯主溺床第之私靈於君子無所復收 子所兩涉之身故靈之昏闇無所不至而獨明於付托 而不任事此天下所以樂攻無難也衛殆未可窺已衛 非明也其臣似賢而非賢也上自恃而不任人下自髙 之為衛淫人 仲叔圉治賓客 人與貞人所並集之地靈之為靈小人與君 陳際泰

局拘也故能隆崇其遇以取一時之務天下不服三子 若仲叔園若祝飲若王孫賈雖非一時之英然亦智能 技奮也故能互用其長以通萬方之客惟靈公不以幹 道則殊途同會才爽其分則一毫以乖惟三子能以才 共舉其事文武各展其能而國不猶有人乎夫用審其 之士也或以當官顯或以男界任交鄰要神經武神人 而能委其才能猶足以盖其棄伯玉拒史魚之失當時 服靈公以能盡時人器使之用也夫仲叔猶可言也

グラグ ヒナー ノニード

也至靈公內不能制其妻下不能制其子 至鮀貫一為传 ·奇吁衞之不丧豈非國有人之明效哉 恰是三人分量恰是靈公用三人而僅免於丧分量 境灑脱抑揚盡致 一為擅猶能任爪牙之寄三子猶可言 致定改被四書文

文字 可可人生的

				きりにんとうモー
				巷四

易於由言君子知其終病也夫大為言者非獨不為之 惟此羞惡之念獨可制其閉即彼之言已無所不至而 時而後其難也即改口早已知矣且君子言不過物抑 恃此愧赧之端猶可冀其後乃言之不作如此是以君 不謂天下乃有言之不作者馬人之言本無所不至而 何也其言之所許直將效之計言則少計行則多美顧 知其終病也人之精神宜止於量內言之不作必有 其言之不作 一、次、人質四方、 節 陳際泰

级定<u>库</u>全書 ■ 僧不廢然乎人之精神宜入於事中言之不作必有略 際父母朋友不以是棄予而獨此中有不能自己者耳 不經心者矣非特為而不效也所主既亡即以一二之 酬無所復見是故當言之時使如其口而問之以何在 不茫然乎且不獨此也事之成不成屬於士人廉恥之 · 志無所復施是故一言之後使如其口而責之以必 不作者非徒言之各也恥心既喪而言傳之是豈可 取於世者矣非特退而不為也所期既大即以聖賢

之過也 而言表之是豈可倚以集天下之業也哉故成事有本 為衆之所恃者耳彼不作者非徒言之為也浮佻在心 氣格重輕之間辭氣容貌不足以動人而顧此中有及 待以君子之常也哉且又不獨此也功之建不建係乎 而觀物有要待彼其既為而後知之此亦名為相士者 こし」」」」」」 教定教領四書文 註云則無必為之志是在言時便決其難不待不為 後也此文為得之通篇更於警切中具一種深秀之

		T	1	
1 1				致原評
				33
	1	1 1		原
1 1				神
			1	
1 1		1 1		
			1	
				4
				1
] ]				
1	ļ			
1 !	ĺ			
	1			
}				
				1 1
				-
! i				
1				

以所不知為事此之謂犯而欺也故夫子為由也言之 莫如欺犯非欺者之所能也欺非犯者之所有也而欺 非心矣豈精諫説哉故事君而有犯非其至者也然其 然未易犯也非犯之難勿欺之難也臣善莫如犯臣罪 次固莫如能犯有犯而無隱者是亦忠臣之道也與雖 與且古大臣道足於已則正色而立於朝而人主格其 求事君之道亦求事君之心而已矣夫 勇於事君而强 て、了、」一、好定及真四書文 子路問事君 節 袁彭年

信以沽直聲者哉豈謂夫不果不强以窺上古者哉天 與犯常相因者何也盖吾所謂犯之欺豈為夫不忠不 以未審之事而必欲正其君之政彼之所謂犯我之所 其幹理之長而不必審於事之中而勇於所好而悍然 而蔽於所見而冒馬以其言進天下固有强果之士挾 謂與也夫犯之善未著而欺之罪已深則是忠信强果 恥 其言之有不行以未察之理而必欲正其君之心更 下固有忠信之人恃其志節之美而不必察於理之致

金好四年全書

スーラー 一 秋定 改順四書文 亦可以有事無犯也已矣如是而犯君則亦可以有犯 使其言大信於心而後以言求信於君如是而事君則 無欺事盖必使其心大信於道而後以道自信於心必 道於天下之事孰先孰後無敢急所未行以為行而外 以為明而内無欺理其已事是君也而遂達其勿欺之 立其勿欺之學於天下之理正是正非無敢强所未明 致其智因夫强果之材而生其文其未事是君也而先 之失恒在欺也故能犯當自勿欺始本乎忠信之質而 季九

斯道也抑亦可為大臣也已 臣並受其福豈其以忠信獲罪而以强果家凶也哉由 正不肖以義繩暴人故夫犯君而君自格其非事君而 無隱也已矣勿欺之犯是謂以道加尊以是格非以賢 說欺與犯皆切中仲氏隱微深痼之病不可移置他 此甚難 處文氣撲勁一往無前啟禎文自金陳數家而外

**延好四年全書** 

こうこうことと、一、次定後頃四重日文 卒之際而皆有積素之可憑一旦之感亦平生之心應 之交亦全體之心應之耳物也而何能感我也在於倉 於君子彼其涉乎事物之會而皆有本體之足恃一 所至尺也乃其中難易之故亦可自按矣吾是以有美 境以相驗盖心每得於物之所不侵而情恒消於理之 而以道而忘此宣易能者哉且夫人得力之地皆有外 道所以難能者其累心者盡也夫憂感懼之累入深矣 君子道者三 章世純 墨 均矣此化境之道也有仁智勇以為之军則其心又當 惑 懼之併消也夫豈不與我並受人之情哉而何以却 及者夫豈不與我共乘世之遇哉然而獨自得也則憂 意擬道有其三而三不可以偏附反身自度有不可易 之耳變也而何能易常也是其事歸諸道而道不可以 相拒者也以我之所不逆成物之所不撄而常變之分 心皆恬恬而我之受物者順矣往而交於物者有未嘗 感害也則仁智勇之無存也有仁智勇以為之宰則其

金りでんをまと

尚可謂易能哉要之憂感懼之併忘則向後之主持於 天下者必大學力功行莫非無累者之所勝且仁智勇 也理縁義著矣而其境未易平也則以理未易洽也而 未可襲也今且欲得其為仁智勇者而道不可以名 假 不從境祛也情以性定矣而其性未可契也則其情亦 理順矣此獨往之道也今且欲去其憂惑懼之累而累 嘗相撓者也以外物之無權顯吾心之有主而性命之 安安而物之感我者必淺矣來而交於我者實亦有未 こうここ 一、 数定及順四書文 六十二

一年八年書 先定則達德之行於達道者已全將眾理可包亦非 觀前輩應試之文不異於平素可知其心術之正而 無累者而遂盡然三者之事果難言矣 本體外境物交性定之理圓映極矣縣閃處將憂惑 懼不分疏圓映在此題面未梳櫛亦在此原許 難就易亦由當時風氣不復恪守先正矩度也

欠らしり事ところり 教定政務四書文 衛有賢臣而皆不展其用可惜也夫史魚以不用死伯 非有生平恩仇之分而乃奸不去賢不庸目將不與君 今所無而伯玉之君子吾黨所少也夫史魚於執簡記 乎夫子意謂甚矣衛之多君子也然其最者者吾得兩 玉以不用去徒使直臣君子之名見稱於聖人亦何益 奉諱惡足盡職業優劣之理即史魚於彌子瑕蘧伯玉 、馬其一為史魚其一為吾友遂伯玉史魚之直聲古 直哉史魚 陳際泰

乃伯玉之道無可拘方而彼獨以推移行之即伯玉之 心養養誠有窺於伯玉出處之賢甚哉道相高兩人又 伯玉去就綽綽誠無所需於史魚存沒之薦而史魚中 不如矢也而伯玉則曰吾將隱矣將兩地而行其志夫 異局而同其符使邦無道馬史魚曰世當昏墊尤不可 日時幸聖明不可不如矢也而伯玉亦曰吾將任矣固 事無可形據而吾能以情意況之故使邦有道也史魚 不聽責不塞死猶自罰故曰史魚之直聲古今所無也

君子曰尸諫忠有餘也史魚之死也賢其生也辟難 不足也伯玉之去也賢其處也然而衞以不競矣 以心相許也史魚生而伯玉庶幾可仕史魚死而伯玉 不得不卷矣策後人不能敌也而長逝者恨有終窮平 忽分忽合做史遷合傳錯綜之法而并得其神骨 り事へこう / 我定放積四書文

-			 			
				Ì		l
i		ļ				
	1				1	l
		1				
						1
1						
l	l					
1	1					
		ŀ				
1		l				
		ļ				
		ļ.				
		1				
	İ					
		,				
1	l	1				
	l					
		1				
		l				
1		1				
1	1	!				
1	1					